

Broj: 03-02-782-1/2015  
Sarajevo, 27.12.2017. godine

**PARLAMENT FEDERACIJE  
BOSNE I HERCEGOVINE**

- Dom naroda -  
gđa Lidija Bradara, predsjedavajuća

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
**DOM NARODA**  
SARAJEVO

Primljeno: 27-12-2017			
Org. jed.	Broj	Priloga	Vrijednos
02-02-		1147	15

Poštovani,


U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), **radi razmatranja i usvajanja po skraćenom postupku, dostavljam Vam PRIJEDLOG ZAKONA O DOPUNAMA ZAKONA O POLICIJSKIM SLUŽBENICIMA FEDERACIJE BOSNE I HERCEGOVINE**, koji je utvrdila Vlada Federacije Bosne i Hercegovine na 133. sjednici, održanoj 27.12.2017. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

Također, u prilogu Vam dostavljam Sporazum postignut u Sarajevu dana 26.12.2017. godine.

S tim u vezi molim da, prilikom sazivanja vanredne sjednice Doma naroda Parlamenta Federacije BiH na kojoj bi se razmatrao Prijedlog zakona o penzijskom i invalidskom osiguranju, u Prijedlog dnevnog reda uvrstite i Prijedlog zakona o dopunama Zakona o policijskim službenicima Federacije Bosne i Hercegovine - skraćeni postupak.

S poštovanjem,



PREMIJER

Fadil Novalić

Prilog: - kao u tekstu na bosanskom jeziku

Co: - Predstavnički dom -  
gosp. Edin Mušić, predsjedavajući  
- Federalno ministarstvo unutrašnjih poslova -  
Federalno ministarstvo unutarnjih poslova  
gosp. Aljoša Čampara, ministar

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O DOPUNAMA ZAKONA O POLICIJSKIM SLUŽBENICIMA  
FEDERACIJE BOSNE I HERCEGOVINE**

**Sarajevo, decembar 2017. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

U skladu sa članom 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i članom 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), predlažemo da se Zakon o dopunama Zakona o policijskim službenicima Federacije Bosne i Hercegovine usvoji po skraćenom postupku, jer se radi o manjim dopunama Zakona o policijskim službenicima Federacije Bosne i Hercegovine koje se donose isključivo radi usklađivanja sa predloženim tekstom Zakona o penzijskom i invalidskom osiguranju Federacije Bosne i Hercegovine koji se nalazi u parlamentarnoj proceduri, a radi otklanjanja posljedica koje bi nastale za policijske službenike donošenjem novog Zakona o penzijskom i invalidskom osiguranju Federacije Bosne i Hercegovine,

Dopune ovog zakona nastale su kao rezultat postignutog sporazuma na radnom sastanku održanom 26.12.2017. godine u prostorijama Vlade Federacije Bosne i Hercegovine.

**ZAKON  
O DOPUNAMA ZAKONA O POLICIJSKIM SLUŽBENICIMA  
FEDERACIJE BOSNE I HERCEGOVINE**

**Član 1.**

U Zakonu o policijskim službenicima Federacije Bosne i Hercegovine ("Službene novine Federacije BiH", br.: 27/05, 70/08 i 44/11) iza Poglavlja X - RADNI UVJETI dodaje se novo poglavlje Xa - PENZIONISANJE POLICIJSKIH SLUŽBENIKA i novi čl. 104a. i 104b. koji glase:

**„POGLAVLJE Xa - PENZIONISANJE POLICIJSKIH SLUŽBENIKA**

**Član 104a.**

*(Uvjet za sticanje prava na penziju policijskog službenika)*

(1) Policijski službenik je lice definirano u članu 2. Zakona o penzijskom i invalidskom osiguranju i pravo na penziju ostvaruje pod uvjetima utvrđenim Zakonom o penzijskom i invalidskom osiguranju Federacije Bosne i Hercegovine i ovim zakonom pod uslovom da je:

a) imao neprekidno najmanje 15 godina staža osiguranja u svojstvu policijskog službenika i

b) u vrijeme sticanja prava na penziju ima svojstvo policijskog službenika.

(2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava 2. ovog člana odnose se i na policijskog službenika koji usljed zadobijenih povreda na radu uzrokovane neposrednim izvršenjem službenih poslova i zadataka bude proglašen invalidom 1. kategorije.

**Član 104b.**

*(Pravo na ostvarivanje posebnog staža policijskog službenika)*

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 104a. stav (1) ovog zakona samo uz pismenu saglasnost lica na kojeg se ta saglasnost odnosi."

**Član 2.**

Ovaj zakon stupa na snagu osmog dana od dana objavljivanja u "Službenim novinama Federacije BiH".

## **OBRAZLOŽENJE**

### **I - USTAVNI OSNOV ZA DONOŠENJE ZAKONA**

Ustavni osnov za donošenje Zakona o dopunama Zakona o policijskim službenicima Federacije Bosne i Hercegovine je sadržan u odredbi člana IV A. 20. (1) d) Ustava Federacije Bosne i Hercegovine, u kojoj je propisano da je Parlament Federacije nadležan za donošenje zakona o vršenju dužnosti federalne vlasti.

### **II - RAZLOZI ZA DONOŠENJE ZAKONA**

Vlada Federacije Bosne i Hercegovine je u parlamentarnu proceduru uputila novi tekst Zakona o penzijskom i invalidskom osiguranju Federacije Bosne i Hercegovine u kojem je utvrđen novi način obračuna ostvarivanja prava na penziju. Predloženi obračun penzije za policijskog službenika obuhvata i beneficirani radni staž koji policijski službenici ostvaruju po osnovu zakona o policijskim službenicima. Uvođenje novog obračuna za policijske službenike dovodi do smanjenja penzije u odnosu na obračun penzije koji je predviđen važećim Zakonom o penzijskom i invalidskom osiguranju Federacije Bosne i Hercegovine, čime bi naročito policijskim službenicima, kao posebnoj kategoriji zaposlenika u Federaciji Bosne i Hercegovine, nastala šteta koja je rezultat korištenja prava na beneficirani staž utvrđen zakonom. Ova šteta se ne bi mogla otkloniti intervencijom u predloženi tekst Zakona o penzijskom i invalidskom osiguranju Federacije Bosne i Hercegovine, jer je taj zakon predvidio izuzetke od primjene tog zakona samo ako je posebnim propisom drugačije određeno ostvarivanje prava na penziju.

Radi otklanjanja posljedica koje bi nastale za policijske službenike donošenjem novog Zakona o penzijskom i invalidskom osiguranju Federacije Bosne i Hercegovine predložene su dopune Zakona o policijskim službenicima Federacije Bosne i Hercegovine.

Zakon o dopunama Zakona o policijskim službenicima Federacije Bosne i Hercegovine predložen je u skraćenom postupku, jer se radi o manjim dopunama Zakona o policijskim službenicima Federacije Bosne i Hercegovine koje se odnose isključivo na usklađivanje sa predloženim tekstom Zakona o penzijskom i invalidskom osiguranju Federacije Bosne i Hercegovine koji se nalazi u parlamentarnoj proceduri usvajanja u tekstu Prijedloga zakona.

### **III - OBRAZLOŽENJE PREDLOŽENIH RJEŠENJA**

Članom 1. je dodato novo poglavlje „Xa Penzionisanje policijskih službenika“ i novi čl. 104a. i 104b. kojima su utvrđeni uvjeti pod kojima policijski službenici ostvaruju pravo na penziju.

#### **IV - USKLAĐENOST PROPISA S EVROPSKIM ZAKONODAVSTVOM**

Federalno ministarstvo unutrašnjih poslova nije moglo utvrditi da postoji primarni i sekundarni izvor prava Evropske unije koji regulišu na poseban način pitanja koja su regulisana navedenim zakonom.

#### **V - PROVEDBENI MEHANIZMI I NAČIN OSIGURANJA POŠTIVANJA PROPISA**

Provođenje Zakona o dopunama Zakona o policijskim službenicima Federacije Bosne i Hercegovine osigurat će Federalni zavod za penzijsko i invalidsko osiguranje, jer je primjena predloženih odredbi u nadležnosti tog zavoda.

#### **VI - OPIS KONSULTACIJA VOĐENIH U PROCESU IZRADE PROPISA**

U toku same izrade Zakona o dopunama Zakona o policijskim službenicima Federacije Bosne i Hercegovine učestvovali su predstavnici Unije sindikata policijskih službenika i Federalnog zavoda za penzijsko i invalidsko osiguranje i na održanim sastancima utvrđen je konačni tekst Zakona o dopunama Zakona o policijskim službenicima Federacije Bosne i Hercegovine.

#### **VII - FINANSIJSKA SREDSTVA**

Za realizaciju ovog zakona nisu potrebna dodatna sredstva u budžetu Federacije Bosne i Hercegovine.